



Universitätsbibliothek Paderborn

Theologia Moralis

Antehac ex probatis Auctoribus breviter concinnata

Busenbaum, Hermann

Coloniæ Agrippinæ, 1707

Q. 49. Quænam necessitas corporalis dicatur extrema, gravis vel
communis.

urn:nbn:de:hbz:466:1-42634

Hurt. notat, si pater nullas det eleemosynas,²²
posse pro eo dare filium.²³

III. Tutores & Curatores, & qui habent cu-²²
ram bonorum alienorum, possunt facere mo-²²
dicas eleemosynas ex bonis, quæ administrant,²²
quales nimurum ipsi facere deberent, quorum²²
sunt. *Vasq. Azor l.c.c. 10. q. 5. Kon. Dian. R. 35.* ²²

ADDENDA.

Q. 49. *Quænam necessitas corporalis dicatur ex- 195
trema, gravis vel communis.* R. Ad illa, quæ habet
Busenb. in supp. 2., adde seqq.

§. 1. Tum etiam est necessitas extrema, si sit periculum mortis intra tres menses alioquin incurrandæ, uti ait *Ledesm.*, aut secundum *Cajet.*, si sit periculum mortis, quamvis tempus longè distet, & non appareat alia via illi periculo occurrendi: debet autem esse aliqua moralis certitudo, vel saltem, uti volunt *Vasq. Valenc. Nav. Di-*
cast. de Just. I. 2. t. 2. d. 9. n. 211. Mayat. 6. d. 6.
q. 4. n. 1. *Carden.* in 1. crisi d. 80. n. 13. prudens ac probabilis timor, si non subveniatur, incurrendi mortem, irrationabile enim foret exspectari, usque dum quis incidat in periculum proximum mortis; unde *Carden.* n. 74. ait, si probabiliter peribit egenus deficiente hoc levamine, ea necessitas est evidenter extrema. Ad necessitatem extremam reducunt *S. Thom.* aliquae cum *Carden.* n. 5. & in 2. crisi d. 9. n. 8. & 17. necessitatem urgentem, quam alii vocant quasi extremā, estque tum, quando adeat periculum proximum incidendi in gravissimam calamitatem, sive in malum morti æquivalens; quodnam autem censeatur æquivalere, non potest certâ regulâ

L deter-

determinari, sed spectandæ sunt circumstantiæ, maximè personarum; *Dicast. Castrop.* d. 2. p. 2. n. 1. & *Tamb.* suprà f. 1. dicunt sufficere mutilationem membra principalis, amissionem sensus, v. g. oculorum, perpetuum carcerem, infirmitatem perpetuam vel amentiam: addit *Bann.*, si homini pro ratione sui status gravissimum esset dedecus mendicare, afferens illi impossibilitatem moralem, eò quod præeligeret mortem: *Lorc. Arr. & Leander à S. Sacram.*, si alicui ratione similis status foret ignominia & impossibilitas exercendi artem mechanicam, aut famulandi: item si ob paupertatem esset periculum labendi in peccatum mortale, uti haber *Villal.*, v. g. in filia, quam Parens ob inopiam vellet prostituerre: item si quis ob inopiam vellet se occidere, lapsus in tristitiam non voluntariam: imò *Caj. Maj. Villal. Trul. Az. Fill.* & *Leander* dicunt eos quoque esse in extrema necessitate, qui sunt Catholici apud Turcas captivi, eò quod sæpe vita aut fides eorum periclitetur, sed id negat *Hurt.*, & ex parte *Carden.*, alioquin, inquit, divites omnes damnarentur non statim mittentes ea, quæ supersunt statui, ad eos redimendos. Denique dicemus l. 3. p. 2. n. 1146. gravem necessitatem Reip: communiter æquivalere necessitati extre- mæ particularium.

196 §. 2. Necessitas gravis universaliter dicitur, quando quis ex defectu rerum necessariarum est in periculo incidendi in miseriam magnam, quæ reddat vitam notabiliter molestam, uti esset illi, qui è statu commodo delapsus cogeretur vivitare solo pane & oleribus; qui ita esset nudus, ut vel illi inde esset ignominia magna, vel præ-

fra-

frigore impenderet periculum gravis morbi; cui spectatâ valetudine & viribus esset nimis molestum semper super pavimento aut tabula dormire; qui duram subit captivitatem, qui diuturno tempore detinetur in carcere nimis molesto.

§. 3. Necessitas communis est, quando est ali- 197
quod incommodum in necessariis ad vitam & statum, ita tamen, ut non reddat vitam nimis miseram vel molestam juxta statum patientis; & in tali necessitate sunt plerique pauperes ostia-
tim mendicantes.

*Q. 50. Quid ad propositionem hic damnata sit 198
addendum.* R. Propositio 12. ab Innoc. XI. dam-
nata sic habet, *Vix in sacerdotalibus invenies, etiam in
Regibus, superfluum statui, & ita vix aliquis tene-
tur ad eleemosynam, quando tenetur tantum ex su-
perfluis statui.* Circa hanc damnationem notanda
sunt seqq.:

§. 1. Dubium est, quid dicatur superfluum 199
statui: *Cajet. Nav. & Vasq.* putârunt hoc solum
esse superfluum, quod non requiritur ad statum,
neque præsentem servandum neque futurum
obtinendum, quem quis licet & dignè potest
quærere: sed hæc sententia rejicienda est, alio-
quin vix unquam ulli homini esset superfluum ad
statum, quia quisque licet potest quærere me-
liorem statum, & eo etiam plerumque dignus
esset, hinc vix unquam homo obligaretur ad ul-
lam eleemosynam etiam in gravi necessitate
proximi, uti advertit *Carden.* in 2. crisi. d. 9. n.
19:, quod hic videtur damnari. Alii dicunt illud
esse superfluum, quod necessarium non est ad
statum neque præsentem neque futurum, quem